

II - ARABAKO LURRALDE HISTORIKOAREN TOKI ADMINISTRAZIOA

BURGELUKO UDALA

Burgeluko udalerriko baratzeak esleitzeko deialdia

– Deskribapena: Añuan dauden udal-titulartasuneko bi lurzatiren erabileraren esleipena, “BIOHAZI (ekintzaileak sustatzen)” proiektua garatzeko, ekintzaitza agroekologikoari laguntzeko. Lurzati horiek honako katastro-erreferentzia hauek dituzte:

1. 72 partzela, 1. poligonoa, 1.020 m²-ko azalera.
2. 73 partzela, 1. poligonoa, 938 m²-ko azalera.

Udal-lurzatiak Euskadiko Nekazaritza Ekologikoaren Kontseilu Arautzailean (Ekolurra) erregistratuta daude.

Esleipendunen eskura etxola bat jarri da, nekazaritzako tresnak eta ureztatzeko tresnak eta azpi-egitura gordetzeko.

– Epea: udal-baratzeak emateko eta erabiltzeko epea lau (4) urtekoa izango da, eta ezin izango da luzatu.

– Baldintzak:

1. Pertsona fisikoen kasuan:

- a) 18 urte baino gehiago eta 65 baino gutxiago izatea.
- b) Udal baratzeak erabiltzeko baimena emateko deialdi honetan parte hartzea.
- c) Dagokion udalarekiko eta/edo Foru-Ogasunarekiko zerga-betebeharrak egunean izatea.

2. Nortasun juridikoa duten elkarte eta erakundeen kasuan:

- a) Fundazioaren xedea nekazaritza agroekologikoa sustatzea izatea.
- b) Lursailen erabilera elkarteen alde esleitzeko diseinatutako deialdian parte hartzea, ordez-kari bat izendatuta.
- c) Dagokion udalarekiko eta/edo Foru-Ogasunarekiko zerga-betebeharrak egunean izatea.

– Kanona: 123,35 euroko urteko kanona ezarri da.

– Aurkeztu beharreko dokumentazioa eta entregatzeko lekua.

1. Eskabidea. Burgeluko Udalean eta udalaren webgunean lortuko den eredu ofizialaren arabera. Errolda-ziurtagiria eta NANaren kopia erantsiko dira.

2. Proiektua. Garatu beharreko jarduera agroekologikoaren memoria bat izango da.

Eskabidea eta eskatutako dokumentazioa Burgeluko Udalean (Burgelu hiribidea 17, 01192 Elburgo, Araba) aurkeztuko dira, hamabost (15) egun balioduneko epean, iragarkia Udalaren webgunean eta iragarki-taulan argitaratu eta hurrengo egunetik aurrera.

– Izapidetza.

– Eskabideak aurkezteko epea amaitu ondoren, onartutakoaren eta baztertutakoaren behin-behineko zerrenda jendaurrean jarriko da udalaren web-orrian eta iragarki-taulan, baztertzeko arrazoiak adierazita. Ondoren, hamabost egun balioduneko epea irekiko da erreklamazioak aurkezteko edo aurkeztutako dokumentazioa zuzentzeko. Erreklamazioak ebatzi ondoren, onartutako eskabideen behin betiko zerrenda argitaratuko da.

– Horretarako sortutako udal-batzordeak eskabideak eta proiektuak aztertuko ditu, eta hautaketa egingo du. Horretarako, parte-hartzaileei dagokien puntuazioa emango die, eta zerrenda bat egingo du, goitik beherako hurrenkeran, ordenantza arautzailearen 9. artikulua. Zerrenda hori oinarria izango da lehenengo esleipenerako eta ondorengo esleipenetarako, baldin eta hutsak badaude, eta udalaren iragarki-taulan eta webgunean argitaratuko da.

– Partzelen esleipena jakinaraziko zaie udal batzordearen irizpidearen arabera puntuaziorik handiena lortu duten pertsonari. Berdinketa gertatuz gero, Ordenantza arautzailearen 9.8 artikulua. Hautatuek 7 eguneko epea izango dute, gehienez ere, esleipena onartzen duten ala ez jakinarazteko. Esleipendunak epe horretan erantzuten ez badu edo esleitutako partzelari uko egingen badio, beste esleipen bat egingo zaio dagokion erreserba-zerrendan agertzen den pertsonari.

– Lursail baten erabilera esleitzen duen administrazio-ebazpenak administrazio-bidea amaituko du. Ebazpen horren aurka aukerako berraztertze errekurtsoa aurkez dakiokoe ebazpena eman zuen agintaritzari berari, edo, bestela, administrazioarekiko auzi-errekurtsoa.

– Proiektuaren erregulazioa eta informazio osagarria: Ikus Burgeluko udal baratzeeen erabilera eta aprobetxamendua arautzen duen ordenantza, udalaren webgunean: <https://www.elburgo-burgelu.eus/es/index.php>.

– Esleitzeko irizpideak: aurkeztutako proiektuak baremo honen arabera baloratuko dira:

– Bideragarritasuna: aurkeztutako proiektuen zorrotasuna baloratuko da, hala nola proiektuaren plangintza eta garapenaren bideragarritasuna. Era berean, garrantzi berezia emango zaio nekazaritza ekologikoko sektorean aurretik izandako esperientziari eta prestakuntzari: 45 puntu.

– Jasangarritasuna: Proiektuaren planteamenduan baloratuko da efizientzia energetikoa, uraren erabilera arrazionala, hondakinen kudeaketa eta abar kontuan hartzen dituzten parametroak sartzea: 30 puntu.

– Agroekologia: Proiektuek honako hauek kontuan hartzea baloratuko da: ikuspegi ekologikoa, biodibertsitatearen sustapena, lurzoruen hobekuntza, tokiko barietateak, materia-zikloen itxiera, eta produktuaren orientazioa eta irteera ikuspegi komunitario eta hurbil batetik: 15 puntu.

– Genero-ikuspegia txertatzea: helburu espezifikoetat jotzen da emakume interesdunak lehen sektoreko jardueretan sar daitezen sustatzea eta erraztea: 10 puntu.

Batzordeak aurrez aurreko elkarrizketa pertsonala egiteko eskatu ahal izango die parte-hartzaileei, proposamenak hobeto argitzeko.

Eginbidea: jasota uzteko deialdi hau Alkatezaren 2026ko maiatzaren 26 ko 70/2026 Ebazpenaren bidez onartuko da.

Burgelun, 2026ko maiatzaren 27an

Alkatea

NATIVIDAD LÓPEZ DE MUNAIN ALZOLA